

CONVENIO DE COLABORACIÓN ENTRE A CONSELLERÍA DE SANIDADE, O SERVIZO GALEGO DE SAÚDE E A FUNDACIÓN BIOMÉDICA GALICIA SUR PARA A REALIZACIÓN DE ACTIVIDADES DIAGNÓSTICAS, CIENTÍFICAS E DE INVESTIGACIÓN E OUTRAS DE INTERESE PARA AS PARTES CON EQUIPOS DE USO COMPARTIDO.

MEMORIA XUSTIFICATIVA

O xerente do Servizo Galego de Saúde, **DECLARA:**

Que a Consellería de Sanidade e o Servizo Galego de Saúde formalizaron o 16.12.2020 o convenio arriba referido coa Fundación Biomédica Galicia Sur, por un período de vixencia que vai dende o día da súa sinatura até o 30 de setembro de 2022.

Que o instrumento convencional ten por obxecto materializar e regular a colaboración entre a Fundación Biomédica Galicia Sur e o Servizo Galego de Saúde, para a utilización e uso compartido de diverso equipamento e instalacións por persoal de calquera das dúas institucións para a realización de traballos destinados a unha estratexia para o control do virus Sars CoV-2 a través da optimización da realización de probas PCR mediante técnicas de pooling ou agrupamento, especialmente dirixidas ao monitoraxe de sectores estratéxicos como poden ser o persoal sanitario ou de residencias de maiores ou de outros colectivos como as plataformas industriais de relevancia económica.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

A pandemia da COVID-19 está a supoñer unha emerxencia sanitaria a nivel global que require medidas rápidas e efectivas, en diferentes ámbitos de actuación, e máis concretamente no ámbito da detección de casos. Un control efectivo debe facerse non só mediante o reforzo de medidas de contención, senón tamén fomentando a investigación de base sobre a enfermidade, tratando de anticiparse á patoloxía. Ademais, é crucial adquirir o máximo coñecemento posible do virus SARS- CoV-2, así como das posibles medidas clínico-asistenciais e de saúde pública que permitan a súa incorporación inmediata para protexer a saúde das persoas e conter a propagación da enfermidade COVID-19.

A Fundación Biomédica Galicia Sur é unha entidade sen ánimo de lucro, clasificada de interese sanitario e declarada de interese galego e atópase incluída entre as reguladas no artigo 16 da Lei 49/2002, do 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado. Ten por obxecto impulsar a investigación, a docencia, a formación, o desenvolvemento científico-tecnolóxico e a innovación no ámbito sanitario e en Ciencias da Saúde, así como a realización de outras actividades que podan contribuír á consecución do obxecto fundacional, caracterizado polo interese xeral galego. Con ese propósito, a Fundación serve de apoio, asesoramento e xestión aos profesionais e investigadores dos centros do Sistema Sanitario Público de Galicia e do

Instituto de Investigación Biomédica de Vigo, realizando labores de difusión e divulgación da actividade investigadora dos centros de investigación de Galicia, aumentando progresivamente deste xeito a súa capacidade para competir e a calidade da súa produción científica.

Entre os seus fins a Fundación ten os de promover a investigación científica, poñendo a disposición dos investigadores os medios e/ou recursos da Fundación para o desenvolvemento dunha máis alta calidade na prestación dos seus servizos á Comunidade Galega, favorecer a colaboración entre os distintos equipos de investigación, así como a relación con outros centros que realicen actividades afíns e fomentar a transferencia á sociedade dos resultados de investigación xerados no seu ámbito, a través dunha axeitada protección e xestión do coñecemento. A Fundación Biomédica Galicia Sur dispón de equipamento con capacidade suficiente para poder compartir as necesidades asistenciais que se precisen polo Servizo Galego de Saúde coas derivadas dos proxectos de investigación que desenvolva a Fundación, directamente ou en colaboración con outras entidades.

Por tal motivo, parece axeitado establecer as normas de colaboración entre a Fundación Biomédica Galicia Sur e o Servizo Galego de Saúde, para a utilización e uso compartido de diverso equipamento e instalacións por persoal de calquera das dúas institucións para a realización de traballos destinados a unha estratexia para o control do virus Sars CoV-2 a través da optimización da realización de probas PCR mediante técnicas de pooling ou agrupamento, especialmente dirixidas ao monitoraxe de sectores estratéxicos como poden ser o persoal sanitario, de residencias de maiores ou de plataformas industriais de relevancia económica.

Así mesmo, no marco deste Convenio, tanto a Fundación Biomédica Galicia Sur como o Servizo Galego de Saúde poderán autorizar ao seu persoal para que desenvolva actividades previstas no presente convenio en instalacións e/ou utilizando equipos de titularidade ou a disposición da outra entidade, sen que iso supoña ningunha alteración na relación xurídica e contractual do persoal con cadansúa institución de orixe.

Os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago,

